



داسر برکباجیکن دان کسجهتران رعیة نکری کلنتن



DASAR BERKEBAJIKAN & KESEJAHTERAAN RAKYAT NEGERI KELANTAN



Urus Setia Pembangunan Wanita, Keluarga dan Kebajikan Kerajaan Negeri Kelantan

**DASAR BERKEBAJIKAN
DAN KESEJAHTERAAN RAKYAT
NEGERI KELANTAN**

**URUS SETIA PEMBANGUNAN WANITA, KELUARGA DAN KEBAJIKAN
KERAJAAN NEGERI KELANTAN**

Cetakan Kedua: 23 Ogos 2016

Hakcipta Urus Setia Pembangunan Wanita, Keluarga, dan Kebajikan Kerajaan Negeri Kelantan

©Hakcipta terpelihara, tiada mana-mana bahagian daripada buku ini boleh diterbitkan semula, disimpan untuk pengeluaran atau ditukar kepada apa-apa bentuk dengan sebarang cara sekalipun tanpa izin bertulis daripada penerbit

Diterbitkan oleh

**URUS SETIA PEMBANGUNAN WANITA, KELUARGA DAN KEBAJIKAN
PEJABAT SETIAUSAHA KERAJAAN NEGERI KELANTAN
PT 109, WISMA DR. ALIAS, JALAN TELIPOT
15150 KOTA BHARU, KELANTAN**

Emel : upwkk@kelantan.gov.my / upwkk.negerikelantan@gmail.com

Web : www.upwkk.kelantan.gov.my

FB : **Urus Setia Pembangunan Wanita, Keluarga dan Kebajikan**

No. Tel : **09-747 6568 / 09-747 6569**

No. Fax : **09-747 6510 / 09-747 6530**

AMANAT
MENTERI BESAR NEGERI KELANTAN



بِسْمِ اللَّهِ الرَّحْمَنِ الرَّحِيمِ

❖ إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَىٰ وَيَنْهَىٰ
عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ
تَذَكَّرُونَ ﴿٩٠﴾

Maksudnya: “Sesungguhnya Allah menyuruh berlaku adil dan berbuat ihsan, serta memberi bantuan kepada kaum kerabat dan melarang daripada melakukan perbuatan-perbuatan yang keji dan mungkar serta kezaliman. Dia mengajar kamu (dengan suruhan dan laranganNya ini), supaya kamu mengambil peringatan mematuhiNya.” (An-Nahl: Ayat 90)

Segala puji-pujian bagi Allah SWT, Tuhan yang mencipta, memiliki, dan mentadbir seluruh alam ini. Selawat dan salam ke atas Nabi Muhammad SAW, suri tauladan sepanjang zaman, seterusnya ke atas keluarga, para sahabat baginda serta seluruh pejuang agama dan mereka yang mencontohi baginda hingga ke akhir zaman.

Bermula dan masih lagi meneruskan konsep kepimpinan “Membangun Bersama Islam” yang kini dimasyhurkan dengan “Merakyatkan Membangun Bersama Islam”, Kerajaan Negeri Kelantan senantiasa menitikberatkan soal berkebajikan sebagai agenda utama dalam pembangunan negeri. Asas utama dalam berkebajikan ialah kita memastikan diri kita beriman kepada Allah SWT. Dengan asas ini kita akan sedar tanggungjawab dan hak masing-masing yang perlu dilunaskan dan ditunaikan.

Berkebijakan dalam aspek pemerintahan sebuah negeri, bukanlah merujuk kepada tanggungjawab kerajaan kepada rakyat semata-mata, tetapi turut merangkumi tanggungjawab rakyat sesama rakyat dan tanggungjawab rakyat kepada kerajaan. Ini antara perkara yang cuba ditekankan di dalam buku Dasar Berkebijakan dan Kesejahteraan Rakyat Negeri Kelantan.

Besar harapan Kerajaan Negeri Kelantan agar buku dasar ini akan menjadi rujukan utama di samping Dasar Membangun Bersama Islam di semua peringkat agensi kerajaan, agensi bukan kerajaan, keluarga bahkan individu. Semoga visi dan misi ke arah Kelantan Negeri Berkebijakan akan tercapai dan mampu menjadi contoh kepada negeri lain khususnya dan kepada dunia amnya.

Mudah-mudahan segala usaha murni diterima Allah SWT sebagai amal soleh dan menjadi saham di akhirat kelak.


Sekian, terima kasih, wassalam.

****SYARIAT ALLAH MEMBIMBING RAJA DAN RAKYAT SEPANJANG ZAMAN****

****MEMBANGUN BERSAMA ISLAM – KELANTAN MENERAJUI PERUBAHAN****

****KEBERKATAN – KEMAKMURAN – KEBAJIKAN ****

Dengan hormatnya,



YAB USTAZ DATO' HAJI AHMAD BIN YAKOB

S.J.M.K., D.J.M.K., (KELANTAN)

Menteri Besar Negeri Kelantan

KATA-KATA ALUAN
PENGERUSI JAWATANKUASA PEMBANGUNAN WANITA,
KELUARGA DAN KEBAJIKAN KERAJAAN NEGERI KELANTAN



بِسْمِ اللَّهِ الرَّحْمَنِ الرَّحِيمِ
وَلَتَكُنَّ مِنْكُمْ أُمَّةٌ يَدْعُونَ إِلَى الْخَيْرِ وَيَأْمُرُونَ بِالْمَعْرُوفِ وَيَنْهَوْنَ عَنِ الْمُنْكَرِ
وَأُولَئِكَ هُمُ الْمُفْلِحُونَ ﴿١٠٤﴾

Maksudnya: “Dan hendaklah ada di antara kamu satu puak yang menyeru (berdakwah) kepada kebajikan dan menyuruh berbuat segala perkara yang baik serta melarang daripada segala yang salah (buruk dan keji). Mereka yang bersifat demikian ialah orang-orang yang berjaya.” (Surah Ali-‘Imran: Ayat 104)

Alhamdulillah rabbi alamin wassolati ala rasuluhi amin, dengan penuh rasa syukur kehadiran Allah s.w.t kerana dengan taufik dan izinNya, buku Dasar Berkebijakan dan Kesejahteraan Rakyat dapat diterbitkan. Penerbitan buku ini amat relevan dengan langkah kerajaan dalam usaha Merakyatkan Membangun Bersama Islam (MMBI) dengan tonggak Keberkatan, Kemakmuran dan Kebajikan. Usaha ini adalah kesinambungan kepada pelaksanaan dasar “Membangun Bersama Islam” yang telah dilaksanakan sejak tahun 1990.

Dasar Berkebijakan dan Kesejahteraan Rakyat merupakan satu dokumen yang menggambarkan aspirasi kerajaan dalam menentukan hala tuju pembangunan negeri secara bersama antara pemimpin dan rakyat bagi membangunkan Kelantan sejahtera dan diredhai Allah. Dasar yang telah digubal ini akan menjadi teras serta sumber rujukan dalam setiap program yang akan dirancang dan dilaksanakan. Dasar ini merupakan satu

dasar yang menyeluruh merangkumi segala aspek kehidupan sejahtera duniawi mahupun ukhrawi dan ia secara langsung mendasari kandungan Islam itu sendiri.

Penerbitan buku dasar ini telah melalui proses yang panjang dan rumit bermula dari penggubalan dasar sehinggalah ia berjaya didokumenkan untuk disampaikan kepada semua pihak yang akan melaksanakannya. Sekalung penghargaan dan ucapan tahniah kepada semua jawatankuasa penggubal dan juga pihak urus setia yang terlibat secara langsung atau pun tidak langsung dalam usaha ini.

Diharapkan dasar ini tidak menjadi sekadar dasar kerajaan semata-mata, tetapi ianya dapat disampaikan dan difahami oleh semua pihak tentang aspirasi kerajaan yang memerintah dalam usaha menyebarkan kebaikan dan kebajikan secara bersama seterusnya dapat melahirkan masyarakat yang sejahtera di dunia dan di akhirat.

Akhirnya, semoga usaha murni ini akan mencapai objektif yang diharapkan. Semoga buku ini akan menjadi sumber rujukan dan panduan penting dalam menentukan garis besar hala tuju pentadbiran, perundangan dan pembangunan negeri ini. Kesedaran dan kefahaman semua pihak berkepentingan dalam pelaksanaan dasar ini akan dapat menjamin kesejahteraan pencapaian matlamat dan seterusnya meraih kejayaan dan kecemerlangan dalam pentadbiran Negeri Berkeadilan, Membangun Bersama Islam. Selamat maju jaya.

Sekian, wassalam.

“ SYARIAT ALLAH MEMBIMBING RAJA DAN RAKYAT SEPANJANG ZAMAN ”

“ RAKYAT PRIHATIN, BERDIKARI, BERMARUAH ”

Dengan hormatnya,



YB HAJJAH MUMTAZ MD. NAWI

Pengerusi

Jawatankuasa Pembangunan Wanita, Keluarga dan Kebajikan
Kerajaan Negeri Kelantan



DASAR BERKEBAJIKAN DAN KESEJAHTERAAN RAKYAT NEGERI KELANTAN

1.0 Pengenalan

- 1.1 Negeri Kelantan ditadbir berasaskan dasar “Membangun Bersama Islam” bermula tahun 1990. Bagi memantapkan dasar utama ini, Dasar Berkebjikan dan Kesejahteraan Rakyat Negeri Kelantan digubal ke arah mencapai tonggak Keberkatan, Kemakmuran dan Kebajikan.
- 1.2 Negeri Berkebjikan ialah sebuah negeri yang terlaksana prinsip keadilan, kebajikan dan kesejahteraan sebagai asas pentadbiran, perundangan dan pembangunan.
- 1.3 Dasar ini adalah dasar bersama yang merentasi agama dan bangsa serta perlu dilaksanakan secara kolektif oleh semua portfolio.
- 1.4 Dasar ini digubal berpandukan konsep-konsep berikut:

1.4.1 *Al-Birr* (البر)

Meliputi seluruh perkara kebaikan yang dilakukan semata-mata kerana beriman kepada Allah SWT dan Rasul-Nya, menghulurkan bantuan dan menegakkan keadilan demi mencapai kesejahteraan dunia dan akhirat. (*Al-Baqarah: 177*)

1.4.2 *Al-Adl wal Ihsan* (العدل والاحسان)

Menjadikan prinsip adil dan ihsan sebagai teras pentadbiran. Ia merupakan satu tuntutan agama untuk direalisasikan bagi memastikan kebajikan dirasai oleh seluruh masyarakat. (*Al-Nahl: 90*)

1.4.3 *Al-Ma'ruf* (المعروف)

Membina masyarakat yang saling bekerjasama melakukan kebajikan dan mencegah kemungkaran sebagai tanggungjawab bersama yang perlu dipikul bersama. (*Ali Imran: 104*)

1.4.4 *Al-Hasanah* (الحسنه)

Membina masyarakat sejahtera ke arah kebaikan di dunia dan akhirat. (*Al-Baqarah: 201*)

1.4.5 *At-Tayyibah* (الطيبة)

Membina sebuah negara yang aman dan sejahtera serta mendapat keampunan Allah SWT. (*Al-Saba': 15*)

1.4.6 *Al-Khair* (الخير)

Membangun ummah terbaik yang saling berlumba melakukan kebajikan. (*Al-Maidah: 48*)

1.4.7 *Ar-Rahmah* (الرحمة)

Memupuk kasih sayang dan belas ihsan untuk semua golongan dalam masyarakat. (*Al-Anbia': 107*)

1.4.8 *As-Sadaqah* (الصدقة)

Membudayakan sikap dan amalan baik sebagai maksud sedekah dalam masyarakat. (*Hadis riwayat Abu Hurairah*)

1.4.9 *At-Tatawu'* (التطوع)

Melakukan amal perbuatan secara sukarela semata-mata kerana Allah adalah salah satu bentuk kebajikan yang dipandang tinggi oleh Allah SWT. (*Al-Baqarah : 158*)

2.0 Tema

“Negeri Berkebajikan, Membangun Bersama Islam”

3.0 Falsafah

Meyakini bahawa berkebijakan adalah usaha untuk memelihara hak dan berkongsi tanggungjawab antara kerajaan dengan rakyat secara adil dan amanah dalam menyebarkan kebaikan dan kebajikan ke arah melahirkan masyarakat yang sejahtera di dunia dan di akhirat.

Berdasarkan kepada falsafah ini, Dasar Berkebijakan dan Kesejahteraan Rakyat Negeri Kelantan dibina atas prinsip-prinsip berikut:

- 3.1 Mentauhidkan Allah SWT dan mengabdikan diri kepada-Nya.
- 3.2 Menjadikan Rasulullah SAW sebagai ikutan dan panduan dalam semua aspek kehidupan.
- 3.3 Menyebarkan dan menggalakkan amalan tolong-menolong, persaudaraan dan kasih sayang.
- 3.4 Menggalakkan sikap berlumba-lumba berbuat kebajikan.
- 3.5 Melaksanakan hak dan tanggungjawab terhadap ibu bapa, keluarga, anggota masyarakat, haiwan dan alam sekitar.
- 3.6 Membela dan membangun golongan *dhu'afa'* (lemah) dan Orang Kurang Upaya (OKU).
- 3.7 Melaksanakan dakwah melalui *amar makruf* dan *nahi mungkar*.
- 3.8 Memasyarakatkan amalan beragama sebagai teras kehidupan.

4.0 Visi

Mewujudkan Masyarakat Berkebijakan dan Sejahtera Berpaksikan Syariat

5.0 Misi

Mendorong, membimbing dan membantu serta menyuburkan cara hidup berkebijakan ke arah kesejahteraan demi mencapai "*Baladun Toyyibatun Wa Rabbun Ghafur*"

6.0 Matlamat

Matlamat Dasar Berkebajikan dan Kesejahteraan Rakyat Negeri Kelantan adalah seperti berikut:

- 6.1 Melaksanakan konsep Ubudiyyah, Masuliyyah dan Itqan (UMI) dalam program kebajikan.
- 6.2 Menjadikan dasar ini sebagai rujukan pelaksanaan program berkebajikan mengikut *maqasid syariah* dan keutamaannya (*Dharuriyyat, Hajiyat, Tahsiniyyat*).
- 6.3 Memberi kesedaran untuk membangunkan prasarana, sistem sokongan, potensi diri dan kemandirian golongan sasaran.
- 6.4 Membina dan menambah baik sistem bantuan bagi meningkatkan keberkesanan pelaksanaan dan kebolehpercayaan di semua peringkat.
- 6.5 Melahirkan sukarelawan dan dermawan bagi menyuburkan budaya berkebajikan dalam masyarakat.

7.0 Strategi Pelaksanaan Dasar

Dasar Berkebajikan dan Kesejahteraan Rakyat Negeri Kelantan dilaksanakan melalui empat strategi utama melalui kaedah-kaedah seperti *At-Taawun* (bekerjasama), *Al-Takaful Al-Ijtimaie* (keseimbangan masyarakat), dan *Al-Mahabbah* (berkasih sayang), iaitu :

7.1 Individu

- 7.1.1 Memahami dan mengamalkan sikap dan amalan berkebajikan dalam semua aspek kehidupan.
- 7.1.2 Menyedari dan menyebarkan konsep berkebajikan.
- 7.1.3 Meningkatkan kesedaran dan kemahiran melalui program pendidikan dan pembangunan jati diri.

7.2 **Keluarga**

7.2.1 Membudayakan kehidupan keluarga berkeadilan dan sejahtera dalam agenda pembangunan negeri.

7.2.2 Membangunkan prasarana, insentif dan sistem sokongan bagi melahirkan keluarga berkeadilan dan sejahtera.

7.2.3 Memastikan hak dan keadilan ahli keluarga terjaga.

7.3 **Masyarakat, Institusi dan Pertubuhan Bukan Kerajaan (NGO)**

7.3.1 Memupuk kesedaran dan budaya cakna, prihatin dan tolong menolong dalam masyarakat sepanjang masa di semua tempat dan peringkat.

7.3.2 Memperkukuh dan mengupayakan agensi kerajaan dan swasta, *NGO* dan institusi kebajikan sosial dalam masyarakat.

7.3.3 Menggembeng tenaga dan potensi ke arah melahirkan masyarakat madani dalam menjayakan program kebajikan.

7.4 **Kerajaan**

7.4.1 Melaksanakan program dan urus tadbir kerajaan mengikut kaedah *Maqasid Syariah* dan keutamaan.

7.4.2 Menjadi penyelaras dan pemantau pelaksanaan Dasar Berkeadilan dan Kesejahteraan Rakyat Negeri Kelantan.

7.4.3 Menggalakkan pertumbuhan dan perkembangan perniagaan, ekonomi tempatan serta menarik pelabur luar ke arah penjana sumber dana yang banyak.

7.4.4 Menyediakan persekitaran yang kondusif untuk menggalakkan semangat kesukarelawanan dan berkeadilan dalam masyarakat.

7.4.5 Mewujudkan mekanisma, kumpulan pakar dan sistem pelaksanaan yang cekap dan berkesan dalam semua program berkeadilan.

7.4.6 Menjalinkan hubungan dengan syarikat berkaitan kerajaan (*GLC*) dan industri dalam program kebajikan.

7.4.7 Menjaga kebajikan, kepentingan dan kemaslahatan ahli yang berhak.

8.0 Pelan Tindakan

Setiap individu, kumpulan, pertubuhan, masyarakat tempatan, agensi kerajaan dan badan bukan kerajaan perlu berganding bahu memainkan peranan secara aktif dan menyeluruh di semua peringkat bagi menjayakan dasar ini. Antaranya:

- 8.1 Menubuhkan Yayasan Kebajikan/ Majlis Amal Kebajikan Kelantan yang akan bertindak sebagai badan induk dalam menyelaraskan program-program kebajikan.
- 8.2 Mewujudkan bank data golongan sasaran.
- 8.3 Menjalankan induksi penghayatan konsep berkeadilan dalam kalangan kakitangan kerajaan dan agensi.
- 8.4 Menyebarkan penghayatan konsep berkeadilan melalui program pembangunan jati diri.
- 8.5 Menetapkan nisbah yang berpadanan dengan program kebajikan dalam bajet tahunan.
- 8.6 Melibatkan *GLC* dalam program kebajikan.
- 8.7 Menambah program kebajikan dan pembangunan sahsiah kepada OKU, warga emas, muafak, anak yatim, armalah dan golongan asnaf.
- 8.8 Menyediakan kursus asas jaya diri untuk penerima skim kebajikan kerajaan negeri.
- 8.9 Mengadakan garis panduan pembangunan prasarana, insentif dan sistem sokongan mesra golongan sasaran.
- 8.10 Menyediakan modul dan model program serta aktiviti pembangunan kebajikan mengikut dasar Membangun Bersama Islam.

- 8.11 Menyelaras dan menggalakkan penjanaaan dan pengumpulan dana serta peruntukan melalui insentif, inisiatif dan instrumen kewangan Islam antara agensi, jabatan, swasta, NGO dan masyarakat.
- 8.12 Memastikan mekanisma dan *SOP* penjanaaan sumber, pengagihan bantuan secara adil, selaras dan mudah kepada golongan sasaran.
- 8.13 Menyediakan sumber manusia di semua peringkat dalam melaksanakan agenda berkeadilan.

9.0 Fasa Pelaksanaan Dasar

Tempoh masa : 4 tahun					
FASA	PERKARA	MASA	TARIKH	PELAKSANA	AKTIVITI
1	<p>-Pendokumentasian</p> <p>-Mengumpul data atau maklumat yang berkaitan.</p> <p>-Duduk semeja berbincang dan berkongsi idea dengan pihak sepatutnya.</p>	6 bulan		<p>-UPEN</p> <p>-UPWK</p> <p>-MAIK</p> <p>-JKM</p> <p>-MPKB-BRI</p> <p>-JAHEAIK</p> <p>-YIK</p> <p>-YAKIN</p> <p>-PKS</p> <p>-TATOK</p> <p>-Majlis Penghulu</p> <p>-KIAS</p> <p>-HALAQAT</p> <p>-MTD</p> <p>-NGO</p>	<p>1-Temu bual masyarakat dan golongan yang berkaitan.</p> <p>2-Membuat soalan pertanyaan (<i>questionnaires</i>).</p> <p>3-Merujuk buku-buku ilmiah yang berkaitan.</p>
2	Penerangan/ Pelaksanaan	4 tahun		<p>-UPEN</p> <p>-UPWK</p> <p>-MAIK</p> <p>-JKM</p> <p>-MPKB-BRI</p> <p>-JAHEAIK</p> <p>-PKS</p> <p>-PBT</p> <p>-HALAQAT</p> <p>-MTD</p> <p>-NGO</p> <p>-Penghulu</p> <p>-Pimpinan Masyarakat</p> <p>-Pejabat Tanah</p> <p>-Hospital</p> <p>-Lain-Lain Agensi</p>	<p>1-Penerangan secara berterusan melalui <i>billboard</i> seluruh Kelantan, edaran risalah, ceramah, forum, khutbah, laman sesawang, akhbar, video dan lain-lain.</p> <p>2-Kursus (induksi) kepada kakitangan.</p> <p>3- Pelaksanaan polisi melalui jabatan-jabatan berkenaan beserta pemantauan program-program melalui pelan tindakan yang telah dirancang selama empat tahun.</p>

3	Pemantauan/ Penilaian	4 tahun		-PKS	<p>1-Temu bual masyarakat dan golongan berkaitan (<i>questionnaires</i>).</p> <p>2-Penilaian dinilai berdasarkan kunci indeks pencapaian (KPI) yang telah ditetapkan.</p> <p>3-Penilaian juga diukur berdasarkan pemantauan yang telah dibuat selama empat tahun.</p>
---	--------------------------	---------	--	------	---

10.0 Penutup

Pelaksanaan Dasar Berkebijakan dan Kesejahteraan Rakyat Negeri Kelantan memerlukan penglibatan semua pihak.

Berdasarkan strategi pelaksanaannya akan dapat melahirkan masyarakat yang berkebijakan dan sejahtera bagi mencapai tonggak Keberkatan, Kemakmuran dan Kebajikan.

.....halaman muka surat ini berakhir di sini.....



GAGASAN OKU MUQORROBUN

Gagasan ini dirangka sebagai menyatakan komitmen pihak-pihak yang berkaitan dalam usaha membangunkan orang kurang upaya berasaskan potensi dan keupayaan diri individu-individu orang kurang upaya.

Dalam menjayakan gagasan ini, adalah diiktiraf:

- 1. Memperakui bahawa Allah S.W.T menciptakan orang kurang upaya sebagai tanda kekuasaan yang maha Esa sebagai ujian dan anugerah kepada insan seluruhnya.**
- 2. Menerima pakai takrifan orang kurang upaya yang sedang berkuatkuasa menurut undang-undang sedia ada.**
- 3. Memperakui komitmen-komitmen masyarakat antarabangsa dan serantau dalam hal-ehwal orang kurang upaya selagi mana ia tidak bercanggah dengan hukum syarak dan undang-undang negara yang berkuatkuasa.**

Berasaskan penegasan dan perakuan yang dinyatakan di atas, gagasan ini menetapkan:

- 1. Pembangunan orang kurang upaya haruslah mengambil kira kepelbagaian ketidakupayaan yang ada.**
- 2. Ia haruslah menjadikan pelaksanaan pembangunan orang kurang upaya itu menjurus kepada keimanan dan ketaqwaan kepada Allah S.W.T.**
- 3. Pembangunan orang kurang upaya hendaklah menjadi tanggungjawab semua pihak dan seluruh segmen masyarakat.**

Dua teras kepada pelaksanaan pembangunan orang kurang upaya adalah:-

- 1. Mengenengahkan orang kurang upaya kepada masyarakat dengan dicukupkan sistem sokongan yang semampu dan sewajarnya.**
- 2. Mendorong dan mendidik masyarakat umum untuk menerima keberadaan orang kurang upaya tanpa sebarang halangan dengan penyertaan yang sepenuhnya.**

Bagi menjayakan gagasan ini, haruslah pelan dan tindakan susulan dirangka sesuai dengan ketetapan dan teras yang dinyatakan.

Glosari

1. *Al-Adl*

Al-Adl bermaksud berlaku adil iaitu meletakkan sesuatu atau memberikan sesuatu kepada seseorang yang menjadi haknya tidak secara paksa.

2. *Al-Birr*

Semua perkara baik yang boleh mendekatkan diri kepada Allah SWT dan setiap keburukan yang ditinggalkan. Paksi utama kebaikan ialah keimanan yang sempurna kepada Allah SWT.

3. *Al-Hasanah*

Kebaikan di dunia dan di akhirat. Kebaikan di dunia merangkumi seluruh perkara yang mendatangkan kebaikan berpanjangan termasuk kesihatan, keamanan, kenikmatan dan sebagainya manakala kebaikan di akhirat ialah kejayaan mendapat balasan yang baik dan ganjaran syurga daripada Allah SWT serta terhindar daripada azab-Nya.

4. *Al-Ihsan*

Sentiasa memantau kebaikan diri dengan menyakini bahawa Allah SWT sentiasa mengawasi segala apa yang dilakukannya. *Al-Ihsan* juga bermaksud melakukan sesuatu pekerjaan dengan penuh rasa ikhlas dan pekerjaan tersebut adalah yang terbaik.

5. *Al-Khair*

Kebaikan berupa kenikmatan dunia yang terbaik daripada segala sesuatu. *Al-Khair* merupakan perbuatan baik yang disukai dan akan mendatangkan berkat kesenangan bagi orang yang memerlukan dengan tujuan untuk mendapat rahmat dan *redha* Allah.

6. *Al-Ma'ruf*

Sesuatu yang dikenali baik, meliputi segala perbuatan baik dan yang bertepatan dengan syarak seperti bersedekah, belajar, beribadah dan sebagainya. Secara kontekstual, penggunaan kata *al-Ma'ruf* dalam al-Quran sentiasa berhubungan dengan persoalan dan ketentuan yang digariskan Allah secara syarie.

7. *Al-Tayyibah*

Dari segi bahasa *al-Tayyibah* bermaksud bersih, suci, selamat dan berkualiti. *Al-Tayyibah* ini bermaksud perkara yang halal dan suci bersih daripada perkara kotor, haram, syubhat dan selaras dengan kehendak syarak.

8. *Ar-Rahmah*

Ar-Rahmah ialah kasih sayang, baik hati dan belas kasihan yang membawa kepada berlakunya ihsan kepada yang disayangi.

9. *As-Sadaqah*

Beribadah kepada Allah dengan cara menafkahkan (infak) sebahagian haknya (hartanya). *As-Sadaqah* bermaksud suatu pemberian oleh seseorang muslim kepada pihak lain secara sukarela dan mengharapkan *redha* Allah semata-mata.

10. Asnaf Zakat

Golongan yang layak menerima bantuan zakat iaitu fakir, miskin, amil (mereka yang terlibat secara langsung dengan institusi zakat), mualaf, *ar-Riqab* (memerdekakan hamba), *al-Gharimin* (orang yang berhutang), *fisabilillah* dan *ibnussabil*.

11. Budaya Cakna

Cakna bermaksud ambil berat, ambil peduli dan ambil tahu. Budaya cakna adalah budaya ambil peduli dan prihatin dalam kalangan masyarakat.

12. *Maqasid Syariah*

Maqasid Syariah ialah objektif kepada syariah. Syariah adalah segala perintah Allah SWT ke atas hamba-Nya yang terdiri daripada hukum hakam yang diperturunkan melalui rasul-Nya sama ada perintah tersebut berkaitan dengan perbuatan amali atau iktikadi. Terdapat lima tujuan *maqasid syariah* iaitu memelihara agama, nyawa, akal, kehormatan dan harta.

13. Ubudiyyah, Masuliyyah dan Itqan (UMI)

Merupakan tiga ciri asas dalam Dasar Membangun Bersama Islam. UMI merupakan sendi utama dalam dasar pentadbiran kerajaan negeri Kelantan.

Ubudiyyah : Konsep ini merujuk kepada kedudukan manusia sebagai hamba Allah, yang diciptakan semata-mata untuk beribadat kepada-Nya.

Masuliyah : Bermaksud pertanggungjawaban (akauntabiliti) yang merujuk kepada sifat kerja seseorang yang dikaitkan dengan kedudukan Allah SWT sebagai pemberi tanggungjawab.

Itqan : Merujuk kepada kualiti kerja yang boleh diterjemahkan sebagai ketekunan, komitmen dan kesungguhan pada peringkat awal dan disusuli dengan fokus dalam melakukan kerja.

14. Golongan Sasar

Kelompok masyarakat yang menjadi tumpuan utama aktiviti kebajikan seperti orang miskin, Orang Kurang Upaya (OKU), orang sakit, wanita, armalah, anak yatim, fakir, amil (kakitangan), mualaf, *al-Riqab* (seseorang yang terbelenggu tanpa kebebasan), *al-Gharimin* (penghutang muslim), *Fisabilillah* (orang yang berjuang kerana Allah), dan *Ibnussabil* (musafir).

Kronologi

Kronologi Pembentukan Dasar Berkebijakan dan Kesejahteraan Rakyat Negeri Kelantan:

- 1) 3 siri mesyuarat dalaman:
 - i. Bilik Mesyuarat UPWKK – 23hb Mei 2013
 - ii. Bilik Mesyuarat MMK – 27hb November 2014
 - iii. Bilik Mesyuarat MMK – 8hb Disember 2014
 - iv. Bilik Mesyuarat MMK – 3hb Ogos 2015

- 2) 2 siri *brainstorming* dalaman:
 - i. Peringkat Negeri di Hotel Perdana Kota Bharu – 4hb Jun 2013
 - ii. Peringkat Kebangsaan di Perbadanan Perpustakaan Awam Selangor (PPAS), Shah Alam – 8hb Jun 2013

- 3) 3 siri perbincangan teknikal:
 - i. Kota Bharu – 1hb Julai 2013
 - ii. Kota Bharu – 14hb Julai 2013
 - iii. Kota Bharu – 15hb Ogos 2013
 - iv. Kota Bharu – 28hb April 2015

- 4) 6 sidang pakar:
 - i. Mesyuarat Penggubalan Dasar Berkebijakan dan Kesejahteraan Rakyat Negeri Kelantan di Habib Hotel, Kota Bharu – 15hb September 2013.
 - ii. Mesyuarat Dewan Ulama’ (I) mengenai definisi Berkebijakan dalam Penggubalan Dasar Berkebijakan dan Kesejahteraan Rakyat Negeri Kelantan di Habib Hotel, Kota Bharu – 21hb Disember 2013.
 - iii. Mesyuarat Dewan Ulama’ (II) mengenai Penggubalan Dasar Berkebijakan dan Kesejahteraan Rakyat Negeri Kelantan di Habib Hotel, Kota Bharu – 15hb September 2013.
 - iv. Mesyuarat Penggubalan Dasar Berkebijakan dan Kesejahteraan Rakyat Negeri Kelantan di Kediaman Rasmi Menteri Besar (JKR10), Kota Bharu – 24hb Julai 2014.
 - v. Mesyuarat Penggubalan Dasar Berkebijakan dan Kesejahteraan Rakyat Negeri Kelantan di Kediaman Rasmi Menteri Besar (JKR10), Kota Bharu – 23hb Februari 2015.
 - vi. Kolokium Deraf Dasar Berkebijakan dan Kesejahteraan Rakyat Negeri Kelantan di Dewan Konvensyen, Kelantan Trade Centre (KTC), Kota Bharu – 3hb Ogos 2015

NOTA

NOTA